

**Zr. Ms. Friesland  
den Caribe a  
confisca un total di  
3880 kilo di droga**

Diamars 19 April 2022

Solo di Pueblo



Aña 16 - edicion 655



E-mail: solodipueblo@gmail.

Prijs: Afl. 1.75

## RENOBACION DI ST. ALOYSIUS SCHOOL TA CLA PA RANCA SALI



Huez a haya un Polis jaloers  
culpabel....

**Polis toxico a mal usa su  
funcion door di detene  
su ex-chick como un acto  
di vengansa personal**

Polis a haya 3 luna di castigo, 160  
hora di trahao pa comunidad

Evento na “D22” pa recorda  
un fayecido di accidente  
riba brommer a termina den  
wrestling-mania



Chando Colina a wordo  
reconoci y premia pa  
Top 95 fm durante  
evento di Egghunt



25 EDICION  
**SUPER EGGHUNT**

GANADOR DI WEBO DI ORO  
**AWG. 2.500 FL**

Logos: The King Show, 95 FM, Top Morning Show, Arubabank, The Casino, and others.

**STA CRUZ  
BARBERSHOP**



tin  
oportunidad  
di trabao pa  
barbero:  
Yama  
**566-2513**



# Homber a bay cu e 3 yiunan di su pareha, cu no ta su yiunan

Diadomingo anochi a drenta informe di un problema na Christiaanstraat, mesora a dirigi un patruya na e sitio. Na yegada di e patruya a bin compronde cu e sospechoso a bay for di e sitio cu e yiunan di e dama, ela bay den e Suzuki Swift blanco e vehiculo mes ta registra na Jan Flemming. Pero e dama mes no tin niun idea unda e homber a bay cu su yiunan cualnan no ta yiu di e homber

ey. Polis a manda un patruya na e adres ey pa mira si ta topa cu e auto y e muchanan.

Algun minuut cu mey anochi polis a pasa na Christiaansstraat un biaha mas y a topa e auto para na e cas. Polis a papia cu e dama y a declara cu e homber a bini baha e 3 yiunan laga e yabi auto y a cana bay. Pa tur seguridad polis a mira e muchanan y nan ta ok.



## Dia di Rey

# Competencia di fli na Playa Pabao

Playa Pabao – Directiva di Centro di Bario Playa Pabao ta participa na e hubentud y adultonnan di Playa Pabao y di Aruba engeneral cu e aña aki lo tuma luga su tradicional competencia di fli.

E actividad aki ta tuma lugar diarason 27 di april pues Dia di Rey na Centro di Bario Playa Pabao. Inscripcion ta tuma lugar

riba dia di competencia for di 07.45am pa 08.45am y lo cobra e suma di 7.50 florin pa fli. Competencia di fli ta cuminsa 9 ór. Lo competi den 3 categoria: categoria A di 10 cm – 50 cm, categoria B di 51 cm – 100 cm y categoria C di 101 cm – 200 cm. Tuma bon nota cu den categoria A por inscribi 40 fli, Grupo B 80 fli y grupo C 40 fli. Directiva di Centro di Bario Playa Pabao ta

pidi participantenan pa tuma bon nota di e categorianan y e orario di inscripcion y ta desea e participantenan tur clase di exito riba e dia aki.

Lo tin un bar y cushina bon sorti. Pues bin celebra Aña di Rey den un ambiente familiar na Centro di Bario Playa Pabao.

## Chando Colina a wordo reconoci y premia pa Top 95 fm durante evento di Egghunt

E conocido locutor Chando Colina a ricibi un reconocimiento durante di e evento di Egghunt.

E team organisador Julisa y Arthur haya cu ta e momento exacto pa rindi e honor aki na Chando.

Chando semper a contribui na Top 95 fm cu su talento unico. Den eventonan di Back to the 80's, Paranda Arubiano, Carnaval, Happy Hour y tambe Halloween.

Masha pabien Chando, sigui anima y pone ambiente. Pabien di Edmond, Endy, Fito y Sandra.





# Huez a haya un Polis jaloers culpabel....

## Polis toxico a mal usa su funcion door di detene su ex-chick como un acto di vengansa personal

### Polis a haya 3 luna di castigo, 160 hora di trahao pa comunidad

Recientemente corte a dicta sentencia contra un polis unda a haye culpabel di a mal usa su funcion y abusa di poder contra su ex chick.

Tabata Dia 25 di April 2021, durante di medidanan di pandemia, un patruya pasando banda di Arashi Beach Bar a topa su ex chick. El'a acudi na e chick y a surgi un discucion entre nan dos.

E polis a bolbe bek na auto serca su colega y a bisa: "mi ta bay detene mi ex chick". E colega polis a kere cu tabata un joke.

Sinembargo e polis a bay y detene su ex. A hinke den auto di polis, hibe warda, y cere den cel.

Motibo cu el'a duna ta pasobra e ex chick tabata cu un botter di cerbes riba caminda publico,

cual e momento ey tabatin alcohol verbod riba caminda publico.

Huez ta haya cu e detencion di e ex chick ta un abuso di poder y mas uso di funcion.

Huez di corte di promer instancia a considera importante cu e polis a admiti cu e tabatin un relacion cu e chick desde varios aña.

E polis tambe a declara den corte, cu nan relacion tabata uno toxico, cu ups and downs y cu despues di e kiebro di relacion, e polis a keda afecta pa e kiebro.

Dia 25 april 2021, Ora e polis tabata pasando bandi e bar, el'a wak su ex chick, y el'a bay pa start conversacion cune.

E momento ey a surgi un ambiente tenso entre

nan dos.

Entretanto e dama a pidi bebida (cerbes) na bar, y ora el'a haye, el'a bay baño.

E polis a bay bek na auto serca su colega, y a bise; mi ta bay detene.

Sin pidi su colega ayudo, e mes a cana bay y detene su ex chick, pa ta cu cerbes riba tereno publico, cual ta prohibi pa medida di covid.

Huez ta conclui cu e motibo pa bay detene su ex chick ta puro personal

y no tin nada di haber cu medida di covid.

Maske e polis jaloers-toxico ta opina cu e ex chick a sali cu bebida pa bay baño, e no ta justifica un detencion, pasobra por considera cu e baño di Arashi Beach Bar no ta tereno publico, sino priva, cu ta parti di e localidad, maske cu e por ta habri.

Ta visto cu e polis a haci esaki, cu intencion pa cer'a su ex chick, pase pa Warda nos Costa y pa laga deporte, sacando asina un vengansa,

sabiendo cu su ex chick no ta dispone di un permiso.

Huez a haya e polis culpabel di abuso di poder y di a mal usa su funcion pa saca probecho personal (regla cuenta personal cu su ex chick) y a sentenci'e na 3 luna di prison, cual e lo no mester sinta, si dentro di 2 aña e no haci algo robes.

Tambe a dune 160 hora di trabao pa comunidad y si e no efectua e trabao aki manera debe ser, ta bira 80 dia den prison.

### Ta bende Hyundai eon 2016



Den bon condicion  
Standard/airco  
Afl 14.500 of mihor oferta  
**Info & wasap**  
**7390101**

## INVITACION

### Bishita nos actividad di luna

#### Caribbean Arthritis Foundation

ta invita tur pashent cu reuma  
pa nos Meet & Greet

Fecha: Diaranson, 20 di april, 2022  
Ora: 6pm-8pm  
Lugar: Aruba Surfside Marina  
Topico: Meet & Greet CAF



Mehorando bo calidad di bida!

 CaribbeanArthritisFoundation



# Chauffeur a sali core bay, despues cu su auto a bolter



Watty Vos Boulevard - Diadomingo anochi pa mas o menos 9:30 polisnan a bay cu urgencia rotonde cu ta conecta cu Schotlandstraat, unda un auto a bolter.

Na yegada di unidadnan di polis berdad a bin topa cu un Mazda pick up color blanco, pero nada di e chauffeur.

Testigonan a conta polis cu e chauffeur a sali core bay direccion zuid.

Patruyan a bay controla

Por a mira cu algun patruya a bay zuid y a controla den area unda e edificionan ta situa, pero sin resultado. No ta conoci si e homber lo tawata herida y tampoco pakiko e la core bay.

Por mira cu hopi probabilidad e auto aki tawata biniendo cu velocidad halto unda e ta perde control subi acera ranca un borch di trafico y bolter, kedando ariba su banda drechi. Caminda mester a keda cera te ora takelwagen a presenta pa por a bay cu ne.



## Juan T.(60) haya sin bida dilanti su cura di cas na Tanki Flip



Tanki Flip - Diabierna Santo atardi algo prome cu 6:30 informacion a drenta cu na Tanki Flip un persona a wordo haya sin bida. Mesora polis a bay e sitio pa pone su mes na altura

di e sucedido.

Na yegada di polis ya Paramediconan tawata na e sitio, pero mucho cos no tawata tin pa haci mas, debi cu e persona un hende homber conoci

bou e nomber Juancho T. tawata tin casi 24 ora morto dilanti su cura di cas.

Pa compronde bon, e cura di e cas tin un pasada cu ta cubri pa cadushi. Posiblemente door di e biento hopi fuerte niun hende lo a haya "holor".

Medicamento

Polis a sali for di e cas unda e cabayero ta bida cu varios paki di remedi. Segun conocinan di e cabayero aki, diasabra siman pasa tawata ultimo biaha cu nan a



mira Juancho T, cu lo tawata malo pa basta dia caba.




Polisnan a cera e area pa asina e departamentonan concerni haci nan investigacion.

Juancho T. lo tawata biba su so. Momento cu e la wordo haya algun famia a yega despues di e tende di e noticia tristo.



# Evento na “D22” pa recorda un fayecido di accidente riba brommer a termina den wrestling-mania

## Pelea formal, ambulans a presenta pa duna ayudo



Diadomingo anochi a drenta informe di un caso di maltrato na D22 banda di Kooyman riba E.J. "Watty" Vos blvd, mesora a dirigi tanto polis como ambulans na e sitio.

Na yegada di e patruya a bin topa cu cantidad di hende na e sitio y a pidi refuerso ademas compronde cu aki ta trata di unda cu tin un evento pa recorda un aña cu un familiar a fayece den un accidente motociclistico

pero riba e anochi aki a sosode un caso di maltrato unda entre famia cu famia, unda cu e mama y un ruman muher di e difunto hunto cu otro 2 amiga a agredi 2 miembro di e famia. Nan a resulta herida y polis a pidi pa ambulans.

Na yegada di e ambulans nan a atende e victimanan. Mirando e situacion tanto paden como pafor polis a haya ta bon pa para e actividad

aki mesora. Polis a percura pa tur hende bandona e area. Un rato

despues aparentemente a tende cu e pelea lo sigui na un adres den Dakota.

Polis a bay eynan y a pone ordo y tranquilidad.



# Daño cometi na propiedad di AAA: Chauffeur a drenta parkeer plaats unda e no mester a drenta



Queen Beatrix International Airport - Diadomingo anochi den careda di 7:45 varios unidad policial a bay Airport, unda un auto lo a kibra un boom di e parkeer plaats y segun Airport Authority Aruba e lo tawata haci maniobranan straño.

Yegada di varios patruya

Varios patruya a yega y hunto cu nan un K9. Securitynan a acerca e patruya y a bisanan pa baha y bin unda e Honda CRV blanca tawata para y cu nan e chauffeur.

Polisnan a papia cu chauffeur

Polisnan a cuminsa haci e chauffeur varios pregunta, entre otro kiko e la bin haci eyan y pakiko e lo a drenta unda e no ta supposed di drenta kibrando e boom. Segun e chauffeur e la bin busca su pareha cu lo

a caba di traha. Kiko a bay robes eyan polisnan kier a haya sa.

Dado momento un agente a duna e chauffeur ordo pa bay sinta den e auto y warda. Por a scucha basta zonido den boter den e auto.

Alco - Sensor y transportwagen di Santa Cruz

Algun minuut despues transportwagen di Santa Cruz a yega cla pa transporta e chauffeur despues cu e lo caba di supla via e Alco - Sensor.

Un tercer patruya di Playa a yega cu e Alco - Sensor, unda cu un di e agentenan tawata splica e chauffeur kiko tur lo bay pasa y con e lo mester supla.

Buelta

Despues di algun p a p i a m e n t o ,



transportwagen y e Alco - Sensor tur a bin eyan por nada. Nan a puntre si e ta willing pa bay paga e daño, unda e la puntra "cuanto e gasto ta".

E pareha a haya ordo pa stuur e vehiculo y si ta bon e chauffeur lo mester a bay sinta na banda.

Forensys tambe a yega pa tuma dato di locual a sosode o sea e daño

material cometi.

Kiko ta e motibo cu a cambia di idea pa no haci e alcohol test y tampoco bay over na detencion no ta duidelijk.



# Polis a stop evento mesora:Pareha maltrata durante actividad di brommer



Watty Vos Boulevard - Diadomingo anochi un biaha mas polis mester a bay un negoshi unda semper tin evento di brommernan y cu na varios ocasion a caba cu problema.

Diadomingo anochi no tawata diferente, unda cu durante di un evento di brommer a

start un pelea formal. Segun testigonan, lo tawata trata di "famia cu famia" mes unda mester a pidi pa ambulance debi cu un homber y muhe a resulta herida. Parse esaki lo a sosode den presencia di nan yiu menor

Polis a stop e actividad mesora

Autoridad na su turno mirando e multitud grandi y e chance cu problema lo bay sigui a para e actividad, evitando asina mas bringamento.Polis a bay un cas den Mispelstraat unda cu un di e partidonan lo a menasa di bay regla cuenta.



## Corte di Prome Instancia 21 april 2022

Horario	Sospechoso	Acto Castigabel
08.30	O.A.J.	J. ta wordo acusa di a abusa sexualmente di un persona menor di edad den e periodo di februari 2020 te november 2020.
09.15	C.G.W.	W. ta wordo acusa di posesion di cocaine na mei 2019.
10.00	F.B.B.	B. ta wordo acusa di ladronicia riba 19 di april 2019.
10.40	R.J.D.H.	H. ta wordo acusa di a susha bon nomber di un persona riba radio riba 17 di maart 2020.
11.15	M.C.L.	L. ta wordo acusa di a causa un accidente riba Watty Vos Boulevard riba 27 di maart 2020 y di a dal un persona na pia cu auto, a consecuencia di cual e persona a bin na fayece.
11.50	A.J.G.P.	G.P. ta wordo acusa di destruccion riba prome di januari 2022.
13.30	M.G.A.	G.A. ta wordo acusa di a maltrata un persona cu un arma (un bat baseball) riba 23 di mei 2020.
14.00	A.A.H.	H. ta wordo acusa di a maltrata un persona cu wanta riba 19 di mei 2021.
14.30	E.E.P.	P. ta wordo acusa di ladronicia di cartera di hende riba 14 di februari 2020.
14.50	A.R.P.	P. ta wordo acusa di ladronicia cu violencia riba 21 di oktober 2021.
15.15	R.St.J.	St.J. ta wordo acusa di a maneaza un persona cu morto riba 23 di april 2021.
15.40	A.O.M.E.	E. ta wordo acusa di a maltrata un persona riba 3 di februari 2021.

## Zr. Ms. Friesland den Caribe a confisca un total di 3880 kilo di droga



Defensie Caribisch Gebied, e barco Zr. Ms. Friesland den su ultimo simanan den Caribe a intercepta mas o menos 1900 kilo di droga. E barco a logra como tres biaha para un go-fast cu tabata carga cu droga, esaki tabata e di cinco, di seis y shete cargamento di droga cu Friesland a confisca den e ultimo simannan.

Desde Januari 2022 e barcodiMarinaHulandes Zr. Ms. Friesland tabata den caribe y tabata e stationsschip activo den Caribe pa Marina Real. En total e barco aki a logra confisca 3880 kilo di droga. Ehecucion di e operacion anti droga aki den Caribe, ta wordo haci den combinacion y cu sosten di Kustwacht Caribisch gebied.



# Problema di famia a termina na detencion



Catiri - Diabierna Santo den careda di 3'or polis y un unidad di K9 a bay un adres na Catiri unda un problema di famia a sali for di man, y lo tin un persona herida.

Na yegada polisnan a papia cu ambos partido

cu tawata separa di otro.

Na final keho a wordo entrega y polisnan a bay over na detene un cabayero hoben. Por a mira un polis cu un dama pariba di caminda tumando su datonan y locual a sosode.



## Kustwacht a detene capitan local di boto pa traficacion di hende



Savaneta: Diahuebs den oranan di atardi, durante cu Kustwacht tabata patruyando nan a nota un boto local biniendo di pazuid, riba e boto tabata tin dos persona. Kustwacht a dicidi di haci control riba e boto aki y a

resulta cu e capitan di e boto ta un persona local y e otro persona abordo tabata un persona indocumenta. Mesora e capitan a wordo deteni como sospechoso di traficacion di hende, e boto a keda confisca

pa mas investigacion, mientras e persona indocumenta tambe a wordo deteni pa drenta Aruba na un forma ilegal.

Na yegada na Base di Kustwacht na Savaneta, e dos personanan deteni a wordo pasa pa autoridad local.

Den e dianan aki Kustwacht den mas cooperacion estrecho cu su partnersnan (KPA, Maritiem Politie, Guarda Nos Costa etc..) Hunto nan lo haci varios control.

E number di emergencia di Kustwacht ta 913, si a caso un persona mira



movecionnan straño of sospechoso por yama e number aki tambe.



# Minister Endy Croes: LO INVERTI ALREDEDOR DI 2 MIYON FLORIN DEN RENOBACION DI SCOL BASICO WASHINGTON Y SCOL PRIMARIO WASHINGTON



Diaranson ultimo Minister Endy Croes a haci bishita oficial na scol basico Washington, na yegada e mandatario a wordo ricibi pa cabesante sra. Sharine Curiel. Cu hopi alegria y entusiasmo e alumnonan, docentenan y empleadonan tabata en espera di e mandatario. Scol basico Washington ta conta cu 445 alumno y scol primario Washington tin alrededor di 200 alumno. Scol basico Washington ta celebra den luna di augustus e aña aki 25 aña di existencia y ta pasando den momentonan di renobacion. Minister Endy Croes a expresa cu tempo ta dificil pero cu hopi creatividad a percura pa pone man na obra y drecha algun scol na Aruba cu tin mester di atencion urgente. E proyecto di renobacion a inicia final di maart 2022 y tin un duracion di diesun luna unda lo renoba e daknan, 'plafond' y luznan di e scol. Alabes a inverti den shete unit mobulair pa asina muda e prome seis klasnan den e unitnan aki pa crea espacio pa renobacion di e daknan. Asina esaki termina lo aloca e seis klasnan den nan localnan renoba y lo

pasa seis otro klas pa e unitnan mobulair.

Director di DOW sr. Marlon Croes a indica cu e trabou di renobacion lo den tres fase. Den e prome fase lo cambia daknan di seis lokaal y e podium cu material alternativo y mas sostenibel. E di dos fase ta e otro seis lokal y oficina y e ultimo fase ta e scol primario Washington y gymzaal. Freman N.V. ta compania cu cambiando e dak y departamento di 'uitvoer' di DOW ta esun cu ta supervisando e trabou.

Por ultimo cabesante di scol basico Washington sra. Sharine Curiel a enfatisa cu e scol ta cumpli 25 aña di existencia den luna di augustus proximo y como tal nan ta hopi contento cu e trabounan ta tumando luga y cu sigur e daknan nobo lo por wanta un minimo 15 aña sin ningun problema.





# Chauffeur di Pathfinder a dal contra palo di luz y bandona e sitio



Paradera - Diahuebs merdia den careda di 3:30 polis a bay panort di rotonde Paradera pa Jaburibari, eynan un Nissan Pathfinder a dal un palo di luz y bandona e sitio.

Mesora testigonan a splica polis locual nan a mira y tambe direccion cu e auto a bay cu tawata nort.

Moko

Den area di Moko e auto

aki lo a hit and run un otro auto y sigui, tur esaki den su intento pa huy di locual e la caba di haci.

Ariba e crusada di Moko pa bay dam di Saliña patruya a para e Pathfinder y mesora a bay na detencion di e homber cu tawata bou di un of otro substancia. E la wordo transporta cu patruya mes directamente pa warda di polis.



Elmar mester a presenta panort di e Rotonde Paradera pa Jaburibari, unda cu e palo di luz a kibra e wayanan tawata

colga memey strobando trafico y alabes ta un peliger.

Caminda a wordo cera

basta rato pa Elmar drecha locual a wordo kibra.

## Gisela Angela y famia a gana e webo di Oro di Top 95 fm y Do It Center

### 2500 florin tabata e premio pe webo di oro

Diadomingo Top 95 Fm a tene su tradicional y original buscamiento di webo, pa di 25 ves! Desde e emisora a bay den aire, a cuminsa cu e evento aki. Dos aña di pandemia, e no por a sigui. E tabata masha concuri y exitoso. Julisa

Arends y Arthur Kelly y Dj Strongolo a ranca e proyecto, hunto cu masha hopi sponser. E big sponser tabata Cerbeseria Balashi, Do it Center, cu a cubri e evento. Ademas tabatin premionan di masha hopi negoshi na Aruba. Giannis Nutrition Center

a pone premionan di CBD oil pa adulto, y asina masha hopi premio.

Pabien na e ganadora Gisela Angela y famia cu a bay cu e webo di oro. Pronto Top 95 fm lo anuncia otro grandioso evento. Semper original y mas cayente cu Solo.





**Minister Endy Croes:**

# RENOBACION DI ST. ALOYSIUS SCHOOL TA CLA PA RANCA SALI

Diahuebs mainta durante conferencia di prensa di Gobierno di Aruba, mandatario di Enseñansa a comparti e informacion cu trabou di renobacion di edificio di St. Aloysius School ta bay cuminsa prome cu fin luna di april 2022. St. Aloysius School manera diferente otro scol ta uno di e scolnan cu tin varios aña caba pafo di nan edificio. E edificio cu e scol ta aden actualmente no ta esun di mas adecua ni pa alumnonan y tampoco pe docentenan.

Minister Endy Croes a enfatisa cu danki na creatividad pa maneho di recursonan y hopi ehercicio interno, a logra aloca fondonan

necesario sin mester a presta placa adicional pa e proyecto aki. Tambe e mandatario a indica cu ya caba parti di e placa a wordo traspasa pa SKOA, kende na final ta esun cu ta scoge e contratista cu lo haci e trabou. Fin di luna di april e trabounan di construccion pa cu e proyecto di renobacion ta programa pa cuminsa. Lo renoba e hala banda di noord, zuid, biblioteca, bañonan, oficina, ful e cura di scol, speelplaats y alabes ful e parti di coriente. Si tur cos bay bon manera e pronosticonan ta awor e alumnonan lo por ta bek den nan scol prome cu fin di e aña aki.

Minister Endy Croes



a agrega cu el a mira e diseñonan cu ta hopi moderno y bunita. Finalmente e mandatario a expresa; mi ta sigur cu mayor, docente y tur 'stakeholder' den e veld di enseñansa lo ta hopi

contento pa cu esaki. Poco pero sigur y firme nos ta pone atencion na infraestructura di scolnan. Aunke retonan ta hopi grandi y tempo nos dilanti ta hopi dificil nos lo percura pa duna

enseñansa haya e luga cu e merece. Pabien Noord, pabien ne veld di enseñansa y pabien sigur na tur e alumnonan y na tur 'stakeholders'. Pabien SKOA!

**Minister di Transporte ta anuncia:**

# Paro temporal riba peticion pa permiso di watersports

Pa medio di esaki Minister di Transporte ta anuncia paro temporal riba peticion pa permiso di watersports cu ta recarga "algemene watersportsvergunning". Ta asina cu peticion pa vergunning di watersports, conforme Artículo 18 den "LB Wateren en Stranden", ta ser pidi na minister cu ta encarga cu Transporte.

Recientemente conseho di minister a aproba un proposicion di Minister di Transporte sr. Ursell Arends, pa haci un paro "freeze" riba tur peticion pa permiso di watersports pendiente un investigacion riba e situacion actual, ambos den aspecto medio


ambiental y tambe den e aspecto di seguridad.

E incidente caminda un mucha muhe den pleno flor di su hubentud ta perde su bida, ta pone den cuestion e norma y standardnan den cual e operadornan di watersports ta eherce nan actividadnan actualmente.

Tabata tin indicacion caba cu turistanan mes lo desea di tin menos actividad di watersports. Di un punto di bista ambiental, ta prefera pa te asta limita e cantidad di watersports, of regula e tipo di actividadnan mientras tambe stipula reglanan di conducta, manera velocidad

maximo, cantidad di tripulante pa cada tanto pasahero etc.

Desde 2016 caba no ta otorogando mas permiso pa watersports mas den e area hotelero. Na 2018 e minister encarga cu transporte e tempo ey a wanta tur peticion pa permiso. Pero na 2019 e minister a acorda cu solamente lo aproba permisonan cu ta incera tres (3) tipo di actividadnan: sailing y boat trip, diving y snorkel, of sportfishing. Pero fuera di esaki tur otro peticion pa "algemene watersportsvergunning" a ser wanta, y ta ser estrictamente controla desde 1 di april 2022.



Minister Arends ta spera cu door di e investigacion y inventeracion cu lo tuma lo lugar, por colecta datonan concreto - den un forma similar manera ta atendiendo cu e moratorium den transporte - pa asina

tuma decisionnan concreto y estructura bayendo padilanti. "Mester por garantiza seguridad pa nos hendenan, y proteccion pa nos medio ambiente na mes momento", Minister Arends ta comenta.



# Chauffeur a bruha y a drenta den Panaderia cu su March



Caya Ernesto Petronia/ Ponton - Diahuebs anochi algun unidad di polis a bay pura un panaderia situa den un mall na ariba Caya Ernesto Petronia, debi cu un auto a drenta den e negoshi.

Na yegada polisnan a haya un Nissan March cu a causa un susto enorme pa esnan paden y levemente

heridando un persona cu no tawata desea asistencia medico.

Segun Arubanative.com por a compronde na e sitio ta cu e dama a ekiboca y enbes di un e la haci e otro mandando e auto parcialmente den e luga.

Daño material ta considerabel.



## Despues cu un famia a fayece: Situacion a bay for di man na Centro Medico

San Nicolas - Dialuna atardi algo prome cu 4'or unidadnan policial di San Nicolas a bay Centro Medico cu urgencia.

Na yegada agentenan mesora a pidi pa Slachtofferhulp.

Na e sitio por a compronde cu situacion a sali completamente for di man, momento cu un cabayero a fayece.

Un familiar aparentemente un yiu homber lo a bira furioso ariba algun Paramedico cu probablemente tawata encarga cu su tata. Gritamento y mandamento di muebles ariba e Paramediconan parse cu lo a tuma luga.

Mirando cu e situacion lo a of lo bay sali completamente for di control a pidi presencia di polis mesora.





# Gabinete Mike Eman a kibra tur record di deficit y debe den un periodo cu Aruba no a conoce pandemia!

Recientemente e presupuesto 2022 di pais Aruba a ser aproba den Parlamento, sinembargo esaki no a bay sin cu partido AVP a trata di tur forma pa desbarata e presupuesto aki y te hasta nan a bolbe cu nan locura di semper, esta presenta un presupuesto alternativo y cu despues a resulta den un farce total ya cu nan no por a substancia e presupuesto di locura aki cu cifranan concreto. Alabes den nan ansha y sed pa yega na poder nan a bolbe trece padilanti e acostumbrado yoradera cu e deficit di aña 2022 ta demasiado halto y cu mester a sigui reduci esaki drasticamente, siendo cu Gabinete Wever Croes por medio di su minister di Finanzas Xiomara Maduro ya a percura pa un reduccion substancial di e deficit 2022 cu 306 miyon florin y esaki compara cu aña 2021. Y siguramente den e presupuesto 2023 esaki lo sigui wordo reduci.

## No tabatin Pandemia na 2012

Ta increibel con e profetanan di desaster di AVP sin ningun tiki di berguensa kier papia riba deficitnan financiero di pais Aruba. Hecho ta cu tabata hustamente e partido aki a percura pa crea deficitnan astronomico hamas visto den historia di nos pais durante e periodo di 2010 te cu 2014. Na 2010: 188.6 miyon florin, 2011: 325.2 miyon florin, 2012: 443.3 miyon florin, 2013: 332.8 miyon florin y 2014: 405.8 miyon florin na deficit. Sin duda cu nos pais no merece e deficitnan astronomico aki ya cu Gabinete Mike Eman a hereda for di

Gabinete Nelson Oduber un suma di 970 miyon florin na final di 2009, esta e placa di Plant NV, BBO di Valero, FDA, BBO local etc. Na lugar di reserva un parti substancial di e suma aki pa por yuda den caso di emergencia, Gabinete Mike Eman a distribi e suma astronomico aki na mas di 400 coordinador, boto di Wubbo Ockels, conferencianan green, Al Gore, Richard Branson, sponsorship di e team di futbol Sparta di Hulanda, huur di learjetnan etc. Como sifuera esaki ta poco e gobierno derochado aki a fia mas di 2 biyon florin den e añanan siguiente. Tur esaki a conduci cu gobierno di Hulanda mester a cay aden y a claba e gobierno di AVP cu un Aanwijzing, KB y Comision di Supervision CAFT. Mester enfatiza cu tur e bagamunderianan financiero aki a sosode den un periodo relativamente trankil ya cu nos pais no a conoce un crisis financiero mundial – manera tabata e caso na 2008/2009 - ni un pandemia mundial cu siguramente lo a derumba henter e sector economico y financiero di nos pais si esaki a sosode.

## Pandemia mundial a strangula Aruba na 2020-2022

Cu partido AVP awe ta cuestiona e deficit 2022 ta demonstra un biaha mas cu nan no tin ningun tiki di gevoel ni conocimiento di cifra ya cu e 228 miyon di deficit 2022 di Gabinete Wever Croes tabata como consecuencia directo di e pandemia mundial (COVID 19) cu a strangula nos pais

Mike Eman a haya na 2009:	
Placa di Plant Hotel	250 miyon florin
BBO di Valero	280 miyon florin
FDA	190 miyon florin
Ganashi di Banco Central	10 miyon florin
Entrada stabil di BBO	200 miyon florin
Cash	40 miyon florin
TOTAL	970 miyon florin

Gabinete Mike Eman Deficit 2012	Gabinete Evelyn Wever Croes Deficit 2022
443 miyon Florin	228 miyon Florin
A hereda 970 miyon fl. na 2009 NO tabatin Pandemia na 2012	A hereda un caha bashi na 2017 Aruba den Pandemia na 2020/22

casi mortalmente for di maart 2020 en adelante. Lamentablemente e caha di gobierno tabata completamente bashi laga atras pa Gabinete Mike Eman y cu un debe nacional di 93% di GDP y tur e proyectonan PPP cu mester a ser paga ainda.

E simpel echo cu si compara e 228 miyon florin di deficit 2022 di Gabinete Wever Croes cu e deficit 2012 di 443 miyon florin di Gabinete Mike Eman, anto tur hende cu sano huicio mester por comprende cu

Gabinete Wever Croes a haci un tremendo trabao pa gradualmente trece nos finanzas publico den un rumbo positivo atrobe. Ya gobierno a demostra esaki na 2018, 2019 y comienso di 2020, pero lamentablemente esaki a wordo frustra door di yegada di e pandemia mundial na maart 2020..

Finalmente ta increibel pa scucha e ex-Minister di Finansa di AVP Mike de Meza ta papia sin escrupulo di e situacion financiero di pais

Aruba, siendo cu henter comunidad ta testigo cu ta e mesun Mike de Meza aki ta bay den historia como e peor Minister di Finanzas cu nos pais a yega di conoce desde entrada di Status Aparte cu su recordnan di deficit durante 2010-2014, anto sin cu nos pais tabata den pandemia. Pues un politico fracasa totalmente.

E miho cos cu Mike de Meza por haci ta di bati retirada for di politica y stop di sigui papia nonsens den pueblo.





# Centro pa Hoben y Famia cu charla interesante na Costa Linda Beach Resort



Centro pa Hoben y Famia ta un organisacion consistiendo di diferente instancianan ariba tereno preventivo cu ta brinda informacion, guia y sosten na hobennan, mayornan y henter comunidad ariba diferente topico cu ta conserni e comunidad, manera lantamento di mucha, abuso di mucha, droga y alcohol, salud mental, etc.

Un di e metanan di e Centro ta pa traha outreachend y asina yega mas serca di nan grupo meta.

Diaranson 13 di April nan tawata di bishita na Costa Linda Beach Resort. E hotel a habri su portanan pa ricibi nan cu dos charla educativo ariba e

tema di Salud Mental y Depresion. E charlanan aki a wordo brinda dor di Fundacion Anti Droga Aruba (FADA). Hunto cu e demas instancianan cu tambe ta forma parti di e Centro tawata tey presente cu un booth pa brinda informacion di nan servicionan, manera Tienda di Educacion, Fundacion Respeta Mi, Fundacion pa Nos Muchanan, Centro pa Hoben y Famia y como instancia invitado a bay tambe Sociaal Pyschiatrische Dienst. Un total di 120 empleado a participa na e dia di informacion aki.

Centro pa Hoben y Famia kier a gradici e management team y e departamento di recurso humano di Costa Linda

Beach Resort pa brinda e oportunidad na tur nan empleadonan pa asisti na e dos charlanan y pasa bishita e expo pa busca informacion y haci nan preguntanan.

Centro pa Hoben y Famia ta spera di por ricibi e cooperacion di mas organisacion, compania y sector hotelero pa habri nan porta pa asina por sigui trese topiconan interesante y educativo pa nos comunidad na pia di trabou.

Pa por pidi un charla of workshop pa bo organisacion por tuma contacto libremente cu Centro pa Hoben y Famia na 5281200 of via nan fb page



# Minister Geoffrey Wever ta añadi producto na e canasta basico

Durante rueda di prensa di diamars ultimo, 12 di april 2022, Minister di Asuntonan Economico, Comunicacion y Desaroyo Sostenibel, mr. Geoffrey Wever a toca e tema di canasta basico.

E canasta basico ta contene productonan cu ta wordo considera productonan di prome necesidad y di cual prijsnan ta wordo regula door di pone un prijs maximo di benta cu ta inclui margenan fiho di ganashi pa bendedornan di e productonan aki. Si e nivel di prijsnan di productonan ta afecta e bienestar general, por tuma e decision cu lo regula e prijsnan di e

productonan aki.

Departamento di Asunto Economico, Comercio y Industria ta e instancianan cu ta calcula e prijsnan di e productonan den e canasta basico. Cambio den prijs di benta di productonan den e canasta basico, ta wordo determina tambe door di desaroyo internacional di prijs di petroleo y productonan.

Actualmente e canasta basico ta consisti di 1205 producto di diferente marca y contenido. Despues di a ricibi conseho di Sociaal- Economische Raad, Departamento

di Salubridad Publico, y Departamento di Asuntonan Economico, Comercio y Industria, Minister Geoffrey Wever a cuminsa e trayectoria huridico pa ampliacion di e canasta basico cu e siguiente 5 producto: galiña henter congela, cornflakes (teniendo na cuanto cu lechi polvo tambe ta forma parti di e canasta basico y balor nutritivo di esaki), pindakaas, frutanan seco y congela, y pampers.

Pa mas informacion over di e canasta basico actual ta invita tur consumidor pa descarga e aplicacion "Control di Prijs" obtenibel riba Google Play y App Store.



## Por ta cu Hemann Molenkamp (SVH) tabatin razon?

Na final di anjanan 80 (1988-89) mi tabatin e placer di conoce Sr. Hermann Molenkamp. Sr. Molenkamp tabata na cuna di e "leerlingenstelsel", un autoridad ariba tereno di ensenanza na Hulanda y masha respeta den SVH (Stichting Vakbekwaamheid Horeca). Despues cu Lago a sera na 1985 Aruba a sigi e curso di un expansion enorme den turismo. Sr. Molenkamp a wordu aserca pa desaroya un leerlingenstelsel na Aruba similar cu Hulanda conhunto cu nos Hotel Bushiri. E desaroyo di hotel nobo tabata requiri multiple cuponan di trabou. Mas o menos den mes un anja e promer contingencia di trahado Filipino a bin Aruba sigi door de trahadorman di horeca den nos regio.

Cu algun otro persona mi tabata representa AHATA den e commission cu mester a conduci na un leerlingenstelsel. Sr. Molenkamp despues di su estudio pa nos sorpresa a bin cu e conclusion cu Arubiano no tabata motiva di traha den horeca. Nos tabata rabia! Con ta possible cu por a jega na tal conclusion si e hospitalidad Arubiano tabata e exito di Aruba! No mucho tempo despues sr. Molenkamp a abandona Aruba y nunca nos a jega na un leerlingenstelsel.

E dia di awe nos sector di horeca mester conclui cu trabounan den horeca ta competi fuertemente cu 1) traha pa Gobierno, 2) traha pa un banco, 3) Setar, 4) Web of ELMAR pero cu preferencia un trabou dialuna pa diavieirne 8 – 5 pm, y liber tur dianan di fiesta. Claro cu no tin nada en contra e estilo di bida aki. Loke si ta asina cu e sector di horeca ta confronta un tekort di personal bon motiva y ta existi un tension grandi pa jena e oferta laboral cu permisonan di trabou. Esunnan cu ta argumenta cu en berdad ta existi menos

motivacion pa traha den horeca di parti di nos lokalnan ta wordu confronta cu ponencianan manera:

1. E interes minimo ta consisti door cu e sector mas bien ta paga cheap labor
  2. Cu lo tin hopi abuso ta tuma lugar door di dunador di trabou
  3. E sector lo paga masha malo mes.
  4. Cu tin un familiar cu diploma cu no por haja trabou a pesar di a sollicita varios caminda
  5. Cu e sector ta prefera traha cu estranjero
- Mientrastanto no tin un solucion ariba mesa cu ta brinda berdadera satisfaccion na ningun partido afuera cu pa anjas nos ta haci loke semper nos a haci loke Einstein lo a califica como "We cannot solve our problems with the same thinking we used when we created them."

Na mi opinion modesto mi ta recomenda un estudio amplio kisas door di Universidad di Aruba cu ta haci certun pregunta y ta bin cu un plan solido cu cual nos tur por biba. Preguntanan entre otro:

1. Cuanto Arubiano ta trahando den horeca actual? (edad)
2. Cuanto estudiantenan Arubiano ta gradua na EPI/ EPB ?
3. Cuanto di nan (ainda) ta traha den horeca?
4. Cuanto Arubiano ta traha den posicion gerencial den horeca? (edad)
5. Cuanto persona no-Arubiano ta traha den horeca (permiso/ firma libre (edad)
6. Cuanto Arubiano ta studiando den horeca na exterior?
7. Cuanto cu a gradua a incorpora den sector horeca?
8. Con e compensacion ta varia entre


trabounan den horeca versus non horeca?

9. Con nos por haci trabounan den horeca mas atractivo?
10. Con nos por haci e sistema di permiso mas amabel y eficiente?
11. Kiko nos por mehora ariba nivel di EPB/ EPI?
12. Cuanto ambtenaar ta emplea na Aruba?
13. Cuanto ambtenaar segun calculo Aruba (segun Caft) lo tin di mas?
14. Con por motiva e grupo cu lo ta overtollig di drenta horeca of sector priva?
15. Con sector priva por wordu involucra di jega na solucionann permanente?

E Idea ta pa saca e discussionnan aki di e atmosfera emocional y jega na un plan cu nos por progresa cune. Ken ta bai haci limpi e cambernan di Embassy Suites? Y di St. Regis? Y di unda e trahadornan lo bin pa e par di mil camber mas den pipeline? No ta mihor pa nos jega na un acuerdo once and for all pa brinda servicio di calidad pa nos clientenan especialmente den e luz cu nos ta un isla turistica caro! Nos no ta un excepcion en loke ta cu shortages di personal den horeca. Merca y Hulanda tanbe ta confronta cu shortages di personal den horeca. Nos economia sin embargo ta depende pa 90 porciento di turismo y esei ta haci cu nos tin un problema cu merece solucion permanente (sin cu tin mester di un GNC). E fin di siman di Pascu Grandi a pasa y mi por imagina cu e tabata duro pa esunnan cu a traha e dianan di fiesta aki mientras cu nas amistadnan y familia tabata goza nos playanan. But somebody got to do the job, right! Of Sr. Molenkamp tabatin su razon?



# Minister Rocco Tjon: A ATENDE DOS CEREMONIA DI HURAMENTACION DI TRES DEPARTAMENTO DI HUSTICIA




Diaranson, durante dos diferente ceremonia, a huramenta y a entrega certificado na empleadonan di tres diferente departamento esencial den nos cadena hudicial. Durante e ceremonia cu a tuma luga na OpleidingsCentrum KIA, a huramenta diferente empleadonan di Guarda nos Costa (GNC) y KIA, den presencia di Minister di Husticia y Asuntonan Social Sr. Rocco Tjon y Gobernador su Excelencia Sr. Alfonso Boekhoudt. Tambe a huramenta diferente empleado di Kustwacht durante un ceremonia cortico na Bestuurkantoor.

Segun minister Tjon, e ta importante pa compronde cu no ta e inversionnan den e departamentonan ta loke ta haci e organisacionnan aki uno respeta, pero ta e actitud y e “beroepshouding” di e trahadonan y departamento como un ekipo. Banda di esaki, e ta hopi importante tambe pa subraya e importancia di e bon cooperacion entre e departamentonan den cuadro di combati criminalidad, pero tambe pa sigui cu e bon cooperacion a base di reglanan cu tin vigente cu ta relata na esaki.

Di parti di Ministerio di Husticia y Asuntonan Social, lo sigui

percura pa brinda cada trahado un carera bunita y largo, unda cu lo purba sincronisa e diferente opleidingnan na otro. Di e forma aki ora e trahado yega e final di su trayectoria profesional, nan tin e oportunidad pa sigui pa un otro organizacion facilmente pa sigui brinda seguridad na nos pais. Un pabien grandi na tur esnan cu a ricibi nan certificado y tambe na tur esnan cu a huramenta, esaki ta momentonan importante pa pais Aruba, mirando cu tur tres departamento ta hunga un rol clave den e seguridad di nos pais, specialmente nos frontera. Por ultimo, e ta importante tambe



pa nota cu tur tres departamento ta forma parti di e reunionnan strategico cu ta tuma luga cu tur

e partnernan cu tin un rol clave pa cu nos seguridad y e seguridad na nos fronteranan.







# Baby prematuro (25 siman), despues di 19 luna a sali for di hospital



Boston, Massachusetts:  
Un mucha cu a nace cu 25 siman, despues di a pasa su prome 19 lunanan di bida den hospital por fin por a bay cas y reuni cu su otro tres rumannan. Bradi Foster, di Plymouth Massachusetts, a wordo saluda cu bubbles y alegria na momento cu porfin e por a sali di e hospital Franciscan Children's hospital, cu ta un pediatric post-acute care hospital na Boston. Bradi Foster a nace dia 9 di augustus 2020, na Boston's Beth Israel Deaconess Medical Center. E la

nace durante un cesario di emergencia, despues cu su mama Darlene Foster su placenta a separa for di su baarmoeder. Un luna despues di su nacemento, Bradi la wordo traslada pa e neonatal intensive care unit NICU na Boston Children's Hospital, caminda e la pasa su prome aña di bida. Su tata James Foster a bisa cu na momento cu Bradi a nace, dokternan a duna Bradi solamente 40% chens di biba. Bradi su pulmonnan no tabata completamente desaroya ainda, via aparatonan special e tabata hala rosea y tabata regula su oxígeno. E famia tabata tin 3 yiu muhe mas, un di 6, 4, y 3 aña. Despues cu Bradi tabata tin 9 dia naci su mayornan por a charge pa prome biaha. Segun e mama, e tabata eng na momento cu nan a carga Bradi pa prome biaha pa. Bradi tabata mas chikito cu e mannan di di Darlene

Foster. Bradi su prome luna di bida, mester a haci un operacion di curason y mester a combati varios infeccion tambe mester a confronta problemanan di pulmon y gastrointestinal. Den e 19 lunanan cu Bradi tabata hospitalisa, Bradi a haci 10 operacion mayor y como 12 operacion chikito. Bradi a nace prematuro y riba dje durante e pandemia di Coronavirus, un persona so por a bay hospital y nan tabata biba como 75 minuut for di e hospital. Pa Darlene e tabata hopi duro ora su otro yiunan tabata pidi pa nan tambe bay mira nan ruman chikito. Na Januari 2021 na momento cu Bradi a cumpli 5 luna e la bira hopi malo y e mester a wordo poni na un machine special pa elimina e carbon dioxide for di su sanger y manda sanger cu oxígeno den su curpa pa asina duna e curason

y pulmonnan tempo pa cura, esaki a yuda Bradi su condicion di salud mehora. Dokternan a dicidi di realisa un traqueotomia pa asina Bradi no mester a keda haya tanto sedante pa mantene su tubo di respiracion na su lugar. Despues di esaki su mayornan a mira con nan yiu a cuminsa manera biba. Finalmente nan por a mira nan baby smile, habri su wowo y kier hunga.

Na Juli 2021 Bradi a wordo transferi pa Franciscan Children's a post acute rehabilitation Hospital cerca di Boston. Aki e la keda casi 9 luna interna pa asina e bira mas fuerte y mas activo. Bradi a bay cas, pero tin su tubo di traqueotomia y un tubo di gastostomia (G-tube) pa cuminda, pero su mayornan ta spera cu pronto ambos tubo lo por wordo kita.




## HOTLINE

# 744-0444

## CAPT'E Y MAND'E



# Despues di accidente na cruzada Arendsstraat/Belgiëstraat polis a detene e dama chauffeur di e Toyota Vitz pa practica taxi pirata



Den oranan di merdia a drenta informe di un accidente na cruzada Arendsstraat/Belgiëstraat. Mesora a dirigi un patruxa na e sitio. Na yegada di e



patruxa a bin compronde cu aki ta trata di un accidente pa falta di preferencia entre un pick up blanco y un Toyota Vitz color beige. Como cu e dama chauffeur di e Vitz tabata practica taxi pirata polis

a detene y a bay warda cun'e. Afortunadamente ningun persona a resulta herida.



## Chauffeur no a regula su velocidad y a bay dal tras di auto na Cura Cabay



Den oranan di mainta a drenta informe di un accidente na Cura Cabay, mesora a dirigi un patruxa na e sitio. Na yegada di e

patruxa a bin compronde cu aki ta trata di un accidente unda un chauffeur no a regula su velocidad ni a mantene distancia a bay

dal tras di e auto su dilanti. Aunke e impacto tabata hopi fuerte pero afortunadamente ningun hende a resulta herida.

**LEY CU TA LIMITA UZO DI PRODUCTIONAN DI TABACO**

**PROTEHANDO SALUD PUBLICO**

**2<sup>A</sup> ARTICULO** Ta prohibi pa huma den transporte priva ora cu tin menor di edad den auto

**ARUBA LIBER DI TABACO**

**HALA ROSEA LIBREMENTE BREATHE FREELY**



Polis a detene sospechoso busca pa justicia relaciona cu ladroncia

## Confisca e Nissan March oranje cu e tabata cun'e na Pindastraat



Den oranan di atardi polis atento a topa cu un sospechoso busca pa justicia na Pindastraat. Mesora polis a detene sospechoso

y confisca Nissan March oranje cu e tabata den dje pa investigacion. Polis a transporta e sospechoso pa warda di polis.



## Alemania: Auto a cay for di 18 meter halto, ambos ocupante (16 y 19) a perde nan bida

Un auto a cay for di un parkeergarage di 18 meter halto, den e auto tabata tin dos mucha homber hoben di 16 y 19 aña, ambos no a sobreviví e caída.

Essen, Alemania:


Diadomingo den careda di 7'or y 20 di anochi a sosode un accidente tragico na un parkeergarage na Essen. Un auto Volkswagen Golf, color berde tabata riba e piso mas halto di e parkeergarage y e auto aki a dal contra e railing y a cay for di un altura di mas o menos 18 meter, e dos ocupantenan di e auto a fayece.

Riba e piso mas ariba di e parkeergarage a keda un

buraco grandi na e railing di e rand. Aki tabata unda e auto a pasa y a bay cay. Despues di e caída autoridad a cuminsa cu un investigacion y nan a marca cu geel riba e parkeerplaats con e auto a core prome cu e la cay abou. E auto a cay for di mas o menos 18 meter halto y a cay den banda, na e banda di chauffeur.

Polis ta sospecha cu e auto prome cu e la cay riba e stupie di e parkeergarage, biniendo abou e lo a dal contra un mata grandi y despues a crash riba e stupie.

Segun vocero di polis e accidente a sosode pa



motibo di coremento irresponsabel di e chauffeur, segun investigacionnan haci den careda di 7'or y 20 di anochi e chauffeur a perde control cu su auto y a cay for di halto. Tur cos ta muestra cu e accidente fatal aki tin di haber cu coremento duro y irresponsabel riba e parkeerdek mas ariba.

Hopi lihe despues di e crash e team di rescate a yega na e sitio. Brandweer tabata tin e tarea hopi



dificil pa libera e dos ocupantenan, nan tabata mal pega den e auto. Na final nan mester a corta e auto completamente pa por a yega na e dos victimanan y pa asina por a sacanan.

Ambos ocupante a wordo reanima y den un estado hopi critico nan a wordo transporta pa hospital, caminda tur dos a fayece na e heridanan serio cu nan a ricibi.





# RELACION ENTRE UN DIETA SANO Y E CUIDADO DI BO CUERO

Ki tanto relacion tin ora di hiba un dieta sano y e cuido di bo cuero? Na prome luga, e cuero ta cubri henter nos curpa y ta nos principal carta di presentacion.

P'esey, e cuido di bo cuero tin implicacion tanto di caracter estetico como den nos salud. Awo bon, salud di nos cuero ta depende den mayor medida di loke nos ta come, ya cu tur cos cu nos come, tin refleho riba dje.

Apesar cu hopi ta desbiba pa cuid'e usando crema y locion. For di eynan pa un dieta saludabel no ta necesario, solamente pa nos salud interno, sino tambe pa nos imagen.

P'esey, nos lo bisabo detayadamente di e relacion entre e alimentacion y e salud di e cuero.

## Dieta y cuero

E dieta diario ta influi den tur y cada un di nos organonan, hasta e cuero. E no ta cubri y proteha solamente nos tehidonan, sino cu e ta duna nos señalnan di distinto alteracion cu por ta presentando den nos organismo.

E cuero ta absorbe nutrientenan danki na e vaso sanguineo y como cu ta trata di un tehido cu gran capacidad y tin mester di regeneracion constante, e ta rekeri un gran cantidad di e elementonan ey.

E organismo no ta produci naturalmente hopi di nan, pa cual nos mester aporta cu alimentacion.

Pa su regeneracion, e cuero ta rekeri macronutriente (proteina y acidonan graso insatura) y micronutriente (manera vitamina A, C y D). Ademas tambe e tin mester di awa.

E ora ey, manera cu nos por mira, un dieta sano y e cuidado di cuero ta bay man den man. Ta vital compronde esey y aplik'e den nos bida diario.

## Funcionnan di e cuero

E cuero tin hopi necesidad, pa cual e ta rekeri un gran cuidado cuminsando cu un dieta. E cuero ta encarga di e eliminacion di toxina y sushinan corporal.

Si nos ta ingiriendo un dieta cu

ta aporta gran cantidad di toxina, nos cuero lo refleha esaki. Di ki manera? Cu e aparicion di puistjes, mancha, etc.

Por lo tnto, ta trata di un cadena unda cu no por faya ningun link; un dieta sano hiba na un bon cuidado di e cuero.

Di su parti, cuero tambe ta un garantia di nos temperatura corporal, ya cu e ta activa cierto mecanismonan pa mantene nos internamente den un temperatura stabil.

Por ehempel, atrabes di sodo y e asina yama kippevel.

Di inmediato, nos lo bay splicabo e papel cu cada tipo di nutriente ta desempeña riba e cuidado di e cuero.

## Nutrientenan y e cuidado di e cuero

E cuero, un di e organonan mas extenso di e curpa, ta rekeri un gran cantidad di nutriente esencial.

## Proteina

Dado cu e cuero mester regenera constantemente, e ta rekeri di un aporte halto den proteina ya cu e nutrientenan aki ta capacita pa e renobacion y fortalecimiento di e tehidonan corporal.

Ora cu nos tin un deficiencia proteico, e cuestu ta cuminsa mustre; e ta produci un embehecimento cutaneo ademas di un fragilidad halto.

For di eynan e importancia pa e cuidado di e cuero di consumi un dieta rico den proteina di calidad halto.

- Nos mester prima e consumo di carni magra, webo y productonan lacteo. Di e forma aki nos lo logra un renobacion celular corecto.

## Vetnan insatura

E acidonan graso insatura ta vital pa mantene e structura celular di e cuero, asina tambe con pa garantia e hidratacion cutaneo coreco.

- Azeta di oleifi, awacati y en general, e alimentonan rico den

omega 6, ta aporta na e beneficianan necesario pa mantene e cueero den un estado saludabel.

## Vitamina

E curpa mester pa nos aporta vitaminanan A, B, C y D. Cada grupo vitamínico ta cumpli cu cierto funcionnan specifico pa mantene un bon cuido di e cuero.

- Vitamina A ta encarga di resguarda e mucosonan di e cueero, cu ta evita e scheurnan. E funcion aki ta di vital importante y no solamente pa rasonnan estetico. E diki di e cuero mester ta compacto pa evita ei n greso di microorganismonan perhudicial pa e salud atrabes di e via cutaneo.

- Vitamina C ta garantisa e sintesis di colageno, substancia envolvi den e elasticidad di e cuero. Asina, e aporte di Vitamina C ta mas importante den e medida cu nos ta embehece.

- E Vitaminanan di B complex tambe ta influi den e cuidado di e cuero, ya cu e ta relaciona cu e hidratacion corecto, mescos cu e regeneracion oportuno.

E ora ey, pa mantene un balans entre hiba un dieta sano y e cuido di e cuero, nos mester ocupa cu nos alimentacion ta inclui di forma balansa cada un di e nutrientenan ey cu ta asina vital.

## Awa

Via e cuero ta evapora hopi awa, pa cual cu tin hopi rekerimento di esaki. Otro aspecto inclui den e relacion di e cuido di cuero y dieta sano ta awa.

Sigur bo a scucha hopi biaha cu e curpa humano ta componi den su mayoria pa awa. Aunke e por parece nos un poco exagera, ta trata di un realidad.

Nos organonan ta den gran medida conforma pa likido y e cuero no ta scapa di dje. Manera e resto di nos curpa, e cuero mester di hidratacion.



Dado cu e likido corporal ta elimina cu relativa rapides door di e procesonan di excrecion y sodo, ta necesario pa nos suministra nos mes cu awa cu bastante frecuencia den nos organismo.

Awa ta representa pa e cuero e posibilidad di:

- Regenera.
- Recupera e likido excreta.
- Cumpli adecuadamente e funcion di regula e temperatura corporal.
- E posibilidad i mantene visiblemente bon cuida y losano.

## Kico come?

Un dieta varia y balansa, evitando e mal habitonan, lo mantene nos cuero den un corecta salud.

E macronutriente y micronutrientenan cu nos tin mester pa e cuido di nos cuero, ta wordo ingeri na un manera bastante simpel: teniendo un dieta ekilibra.

Aunke por ta cu e suplementonan vitamínico ta necesario den algun caso, e alimentonan cu nos ta consumi por aporta nos e proteina, vet y vitaminanan necesario.

E principal fuente di tur e nutrientenan cu nos tin mester, por wordo haya den alimento.

Cu e articulo aki nos ta busca pa conciencia di e importancia y relacion di dieta sano y e cuido di cuero pa nos bienestar, tanto den presente como pa futuro.

Den funcion di esey, nos mester sigurabo di mantene un dieta balansa cu cual bo ta obtene tur e elementonan cu bo curpa tin mester. Si bo tin duda, consulta un especialista den nutricion.



**Clasificados**



**SOLODIPUEBLO@GMAIL.COM**  
**CEL.585 9500**

**SOLO** Di Pueblo

## OPORTUNIDAD PA TRABAO

Tin oportunidad pa trabao pa un kokki/cocinera y helper di cumindanan crioyo pa un Take Away.



Pa informacion por  
wasap 746-3571



### Solo di pueblo pagina social

Ba hasi aña? Bo kier publica un felicitashon den corant. **FREE**

Manda nos un email cu informashon y maximo 6 potret na

**solodipueblo@gmail.com**  
**of Yama 585-9500**

## FOR SALE - FOR SALE - FOR SALE



Ford Shuttle Bus 2006 ~ E450 diesel  
 Prijs reduci: Afl. 15.000  
 Perfecto pa snack truck

**739-0101**



## CASH CASH CASH PA BO CAS OF TERENO NA NOORD

Starmax Properties VBA tin cliente cu ta desea pa cumpra un cas den NOORD y of tereno.

Tambe nos tin cliente cu tin budget limita, pa cumpra un cas na rason di 75 mil.

Si e cas ta verval, bieuw, of sin mantencion, tambe ta welcome.

Contact nos of manda un wasap na 739-0101



# Polis a bay Brikstraat pa intermedia den un problema entre un homber y un muher



Den oranan di madruga a drenta informe di un problema entre un homber y un muher na Brikstraat, mesora a dirigi patruyanan na e sitio. Na yegada di e patruya a bin compronde cu aki ta trata di

un problema cual un no ta soporta e otro mas y a start un pleitamento. Polis a intermedia den e asunto pa nan no sigui escala e asunto den e oranan ey di madruga.

**STOP CU HUMAMAMENTO TIN HOPI BENEFICIO**

**Salud**

**Salud Mental**

**Financiero**

**PRONOSTICO DI TEMPO**

VALIDO TE DIAMARS 19 DI APRIL 2022, 18:00 ORA.

**TEMPO:**  
 AWE ANOCHI: PARCIALMENTE NUBLA Y GENERALMENTE SECO  
 DEN MARDUGA I MAYAN: VARIABLEMENTE NUBLA CU UN AWACERO PASAJERO TE BREVE

TEMPERATURA MAXIMO 33 GRADO CELSIUS  
 TEMPERATURA MINIMO 27 GRADO CELSIUS  
 INDICE DI CALOR (HEAT INDEX) DEN Y ROND  
 DI ORANAN DI MERDIA: 34 PA 37 GRADO CELSIUS  
 UV INDEX: 12

BAHADA DI SOLO : 6:52 PM  
 SUBIDA DI SOLO : 6:25 AM

**BIENTO:**  
 MODERA FOR DI OOST TE OOST- ZUIDOOST;  
 FORSA 3 TE 4 (12 TE 30 KM/ORA, 7 TE 16 NUDO).  
 DEN DIA BASTA FUERTE TE POSIBLEMENTE FUERTE DEN RAFAGA;  
 FORSA 5 TE 6 (31 TE 50 KM/ORA, 17 TE 27 NUDO).

**SITUACION GENERAL DI TEMPO PA PROXIMO 24 ORA:**  
 UN DISTURBIO DEN NIVELNAN MAS HALTU DI ATMOSFERA TA MOVE POCO POCO Y LO SIGUI TRESE HUMEDAD DEN REGION DURANTE PROXIMO 24 ORA. PRINCIPALMENTE DEN ORANAN DI MARDUGA Y MAINTA ESAKI LO TRECE BASTA NUBIA DEN REGION LOCAL CU CHANCE PA UN AWACERO PASAJERO TE BREVE. NO TA EXCLUI UN CHANCE CHIKITO PA LAMPER CU STRENA. MAS ALEU, STOF FINI DI SAHARA LO BAI STROBA VISIBILIDAD UN POCO DURANTE PROXIMO DIANAN.

**CONDICIONAN MARITIMO/ ESTADO DI LAMA:**  
 NA PARTINAN PROTEJE DI COSTA: LEVE  
 NA PARTINAN ZUID: TRANKIL TE MODERA  
 NA PARTINAN OOST TE NOORDWEST DI COSTA: GENERALMENTE MODERA.

OLANAN LO TA ENTRE 4 PA 6 PIA

**AVISO/ ALERTA:**  
 UN AVISO PA BOTO CHIKITO PA E PARTINAN OOST TE NOORDWEST DI COSTA TA WORDO EXTENDE TE CU DIAMARS MAINTA 6'OR.  
 TAMBE TA SUGERI OPERADORNAN DI BOTO CHIKITO PA TENE CAUTELA RIBA LAMA HABRI.

**FENOMENONAN SPECIAL:**  
 NINGUN

**POTENCIAL DI AWACERO PA PROXIMO 24 ORA:**  
 1 TE 3 MM; LOCALMENTE ESAKI POR VARIA

**REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):**

AIRPORT : MAX 32 / MIN 26 / 0.0 MM  
 WESTPUNT: MAX 32 / MIN 26 / 0.0 MM  
 STA ROSA: MAX 32 / MIN 27 / 0.0 MM

**PRONOSTICO DI TEMPO PA PROXIMO 3 DIANAN:**  
 PARCIALMENTE NUBLA CU UN AWACERO PASAJERO.  
 BIENTO LO TA FOR DI GENERALMENTE OOST Y MODERA TE BASTA FUERTE, FUERTE DEN RAFAGA;  
 TEMPERATURA (GRADO CELSIUS) MAX / MIN LO TA: 33 / 27



# SERVICIO Y COMPRA

## SOLO Di Pueblo OBITUARIO

Publica serka nos anuncio di fayecimento di bo ser keri.  
Nos tin 2 pakete pa ofrese

Pakete 1: Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina  
na **585-9500** of na **741-4554** puntra pa  
Jamila Henriquez

## Restaurant, Take Away, Snack, SuperMarket, SanckTruck

Special special special.... Take away box;  
Size 8x8 - 9x9 - 9x6- 6x6



**Cumpra 25 haya 3 box free**

Free delivery.....  
Prijs cuminsando di Afl 45.00  
Info wasap 7390101

## TA HUUR

den CENTRO COMERCIAL  
NOORD un localidad  
di 120M  
Bon situa, pa mas  
info yama: **592-3327**



## Ta huur edificio comercial



Bon pa Supermarket,  
Mini Market, Laundry,  
Hardware Store, fruteria,  
etc etc.

200 m2 - hopi grandi

Situa riba main road di Sta cruz...  
hopi lugar pa parkeer..

Info line & wasap 7390101

## Clasificados



**SOLODIPUEBLO@GMAIL.COM**  
**CEL.585 9500**





## Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

### Servicio nan

Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Koningin Wilhelmina Fonds	582-0412
Fundacion pa nos mucha nan	583-4247

## Dienstregeling artsen Pariba Di Brug

**APRIL 2022**

Dr. Boderie, E  
Dr. Croes, G  
Dr. de Cuba, M  
Dr. Every, B  
Dr. Giel, D

Dr. Linden v/d, J  
Dr. Ramautar, K  
Dr. Vis, S  
Dr. Wever, M  
Dr. Winterdal, N

VR 01 WEVER

MA 04 WINTERDAL  
DI 05 BODERIE  
WO 06 CROES  
DO 07 DE CUBA  
VR 08 EVERY

MA 11 GIEL  
DI 12 LINDEN V/D  
WO 13 RAMAUTAR  
DO 14 WEVER  
VR 15 RAMAUTAR(Goede Vrijdag)

MA 18 CROES (2de Paasdag)  
DI 19 WINTERDAL  
WO 20 BODERIE  
DO 21 CROES  
VR 22 EVERY

MA 25 GIEL  
DI 26 LINDEN V/D  
WO 27 LINDEN V/D(Koningsdag)  
DO 28 RAMAUTAR  
VR 29 VIS

### WEEKENDDIENST


02 – 03 APRIL	* EVERY
09 – 10 APRIL	* GIEL
16 APRIL	* EVERY
17 APRIL(Paasdag)	* BODERIE
23 – 24 APRIL	* V/D LINDEN
30 APRIL	* RAMAUTAR
01 MEI	* WEVER(Arbeidsdag)

LEY CU TA LIMITA UZO  
DI PRODUCTIONAN DI  
**TABACO**

PROTEHANDO  
**SALUD**  
PUBLICO

**6<sup>A2</sup>**  
ARTICULO

Ta prohibi pa bende sigaria  
los. Sigaria mester wordo  
bendi den paki cera y sealed.



DVG

ARUBA LIBER DI TABACO



**HALA  
ROSEA**  
LIBREMENTE  
BREATHE FREELY

**Clasificados**



**SOLODIPUEBLO@GMAIL.COM**  
**CEL. 585 9500**







# Elliott Loonstra PLY ta logra medaya na Brazil



Elliott Loonstra PLY a logra un biaha mas. Team Loonstra a yega na Rio de Janeiro, Brazil pa e 2022 Pan American Para Taekwondo Open Championships di cual 59 atleta di 17 pais a participa. Su prome

pelea tabata contra di Brazil cual a termina den 26 seconde cu un score di 5-0 na favor di Loonstra despues cu e atleta di Brazil a retira. Esaki a sigura Loonstra su lugar den e semi-final. Su siguiente

pelea tabata contra un otro atleta di Brazil y despues di un pelea fuerte, na final e atleta di Brazil a avansa pa final. E momento aki ta representa e di dos medaya gana na e Pan American Para Taekwondo Champi-

onships pa Loonstra den su carera den e deporte di Para Taekwondo. Tene na cuenta cu e categoria cu Loonstra a participa aden tabata esun di mas grandi cu un total di 14 atleta registra. Coach Luciano Mazzeo a wordo aserca pa asina coach atletanan di otro paisnan di cual nan coachman no tabata tin e certificacion apropiada pa coach na e evento aki di nivel asina halto. E paisnan cu a pidi ayudo tabata Argentina, Chile y Republica Dominicana. Argentina a gana plata, Chile a gana brons y Republica Dominicana e gana plata. E atleta di Republica Dominicana tabata tin un discapacidad adicional, e tabata sordo y ta asina haci pa coach mas dificil. Mazzeo ta duna tambe aporte na 'Deaflympic Movement' den Para Taekwondo. Esaki ta muestra cu Coach Luciano

Mazzeo tin experiencia internacional vasto y grandi cu otro paisnan ta respeta y aprecia. Team Loonstra kier duna danki na BodyZone Gym, Romina Martinez di Roro Fitness, Astrid Flores, nutricionista Julieta Moral, CEMEDAR y tambe na Famia Loonstra pa nan support extensivo na Loonstra y Mazzeo den nan capacidad y deporte. Laga nos duna un bon bini grandi na Team Loonstra cu ta yega Aruba bek dia-domingo awor 17 di april pa 4:45 pm riba vuelo di Avianca. Danki Aruba pa e apoyo y danki na coach Luciano Mazzeo pa a yuda haci e logro aki posibel.

#Taekwondo #ARTBO #ArubaParaTaekwondo #ArubaParalympic #Aruba #WorldParaTaekwondo #PATU #CBTKD #ARUTKD #RioOpenTKD #ParaPanTKD





Lotto MERDIA  
APRIL 14

<b>CATACHI</b>	<b>LOTTO 5</b>	
Sorteo # 3532	Sorteo #	Joker Letter
<b>3748</b>	4 x Jackpot	Proximo Jackpot
<b>3955</b>	0 x Match 4+	<b>140.000,-</b>
<b>8054</b>	0 x Match 4	
<b>MULTI-X</b>	0 x Afl. 12,00	
<b>FP</b>		
<b>BIG 4</b>		
Sorteo # 3532		
<b>5367</b>		
<b>DIFF</b>		
Sorteo # 1588		
<b>9814</b>		
<b>ZODIAC</b>		
Sorteo # 3532		
<b>0698</b>		
<b>Gemini</b>		
<b>LUCKY 3</b>		
Sorteo # 406		
<b>560</b>		
<b>MULTI-X</b>		
<b>2X</b>		

Lotto ANOCHI  
APRIL 16

<b>CATACHI</b>	<b>LOTTO 5</b>	<b>07-09-14-25-27</b>
Sorteo # 7616	Sorteo #	Joker 33 Letter L
<b>2290</b>	0 x Jackpot	Proximo Jackpot
<b>9392</b>	0 x Match 4+	<b>150.000,-</b>
<b>2973</b>	0 x Match 4	
<b>MULTI-X</b>	114 x Afl. 12,00	
<b>X3</b>		
<b>BIG 4</b>		
Sorteo # 6660		
<b>1432</b>		
<b>DIFF</b>		
Sorteo # 1365		
<b>9153</b>		
<b>ZODIAC</b>		
Sorteo # 5419		
<b>2579</b>		
<b>Cancer</b>		
<b>LUCKY 3</b>		
Sorteo # 349		
<b>158</b>		
<b>MULTI-X</b>		
<b>X2</b>		

**PUEBLO A HAÑA SU PEN BEK**

Pa kualkier informacion  
solodipueblo@gmail.com  
of  
**585-9500**

Lotto MERDIA  
APRIL 17

<b>CATACHI</b>	<b>LOTTO 5</b>	
Sorteo # 3534	Sorteo #	Joker Letter
<b>4485</b>	0 x Jackpot	Proximo Jackpot
<b>8852</b>	0 x Match 4+	<b>150.000,-</b>
<b>5128</b>	0 x Match 4	
<b>MULTI-X</b>	0 x Afl. 12,00	
<b>X2</b>		
<b>BIG 4</b>		
Sorteo # 3534		
<b>8441</b>		
<b>DIFF</b>		
Sorteo # 1590		
<b>4394</b>		
<b>ZODIAC</b>		
Sorteo # 3534		
<b>4906</b>		
<b>Tauro</b>		
<b>LUCKY 3</b>		
Sorteo # 408		
<b>495</b>		
<b>MULTI-X</b>		
<b>X2</b>		

**SIGUI Vacuna!**

**WALK-IN**  
NA DVG - CAYA ING.  
ROLAND LACLE #4  
8am - 12pm / 1pm - 4pm

**VACUNA**  
pa nos salud



# EMAN TA CONTENTO CU BASISBEURS TA BAI CONTA TAMBE PA E STUDIANTENAN DI ARUBA NA HULANDA

“E contesta di Secretario di Estado van Huffelen ariba nos carta pa cu aplicacion di basisbeurs ta satisface nos parcialmente”, asina lider di fraccion di AVP mr. Mike Eman a reacciona riba e contesta cu el a haya riba su pregunta pa loke ta re-introduccion di un basisbeurs na Hulanda y si esaki lo conta tambe pa studiantenan di Aruba y e otro islanan Huelandes. Eman a haci e pregunta pasobra Basisbeurs lo combini studiantenan di Aruba, pasobra otro cu studielening, locual haya na asistencia financiero pa medio di beurs e estudiante no mester paga bek.

Secretario di Estado ta contesta Eman: “de studenten uit Aruba die in Nederland komen studeren kunnen dus, als de basisbeurs terugkeert in 2023, hier ook aanspraak op maken”.

Eman ta bisa cu esaki ta parti di nos deseo, e lider di fraccion ta a indica cu lo tabata mas bunita ainda si studiantenan di Aruba cu ta bay studia na un otro lugar cu no ta Hulanda tambe por haci un apelacion riba e basisbeurs na 2023. Eman ta bisa: Pa un interpretacion amplio asina di e concepto “Koninkrijksbreed” ta muestra cu Hulanda aparentemente no ta cla ainda, pero esey no ta haci e alegria menos di e prome paso tuma na interes di e studiantenan di Aruba”.

“E compromiso aki sin duda ta un adelanto y ta consistente tambe cu e criteria cu ta worde sigui actualmente pa por yega na un studielening na Hulanda pa studiantenan di Aruba cu ta sigui nan estudio eyan”, Eman ta enfatisa.

Den su contestacion riba e carta di Eman e Secretario

di Estado ta referi tambe na loke Eman ta pone enfasis riba dje di e interes grandi di enseñansa den comunidatnan chikito cu ta depende di e capacidad y dedicacion di nan propio hendenan.

“Mi ta confirma esaki completamente. Enseñansa ta un condicion esencial pa por yega na un forsa laboral bon educa, como tambe pa ta e base di un crecimiento economico y un bon clima di bida y oportunidadnan pa tur hende”, van Huffelen ta afirma.

Literalmente van Huffelen ta bisa: “Ik onderschrijf dat volledig. Onderwijs is een randvoorwaarde om te komen tot een goed opgeleide beroepsbevolking, alsook de basis voor economische groei en voor een goed leefklimaat met kansen voor iedereen”

E Secretario di Estado ta termina su carta na Eman cu e speranza cu su contesta den su carta na Eman a brinda claridad y e ta mira den enseñansa un valor comun y comparti den Reino. “E importancia di enseñansa como inversion den futuro lo keda uni nos”, asina van Huffelen, Secretario di Estado di Relacionnan den

Reino a termina su carta na Eman; “Het belang van

onderwijs als investering in de toekomst zal ons

in het Koninkrijk blijven verbinden”.



## Oracion di dia


**Un feliz dia bendiciona y cu Dios proteha boso cu Su Sanger Precioso**

..“Su cabes no ta bon ”.(Marco 3, 21)

Ruman ora Hesus tabata papia, E Palabra ta dal tur hende y nan ta expresa asina pa hustifica nan maldad scondi. P’esey cada bes cu nos scucha E Palabra nos mester resa pidi Spirito Santo comprendemento pa nos por ricibi locual Hesus kier muestra nos y tambe di biaha probecha di pidi Spirito Santo e Força, pa nos por cumpli cu Señor Su Boluntad. “Dios di Universo.....y nos lo ta Salba”(salmo 80,7) mare nos por ripiti e Palabranan ey di e salmo tur dia di nos bida. Ruman sigui Hesus no ta dificil, manera hopi ta bisa, e problema cu nos tin ta cu, nos tin miedo y falta di curashi pa bisa Hesus, manera Mama Maria “ata Sirbidor di Señor: laga sosode cu mi loke Bo a bisa”(Lucas 1,38) Ruman esey alabes mester ta nos oracion diariamente pa asina nos por haya e forsa pa bisa Hesus “SI” cada dia di nobo! Tambe di e manera ey nos lo por refleha e Hesus cu ta biba den nos y cu tanto nos ta stima, E Hesus cu ta stima mi sin limite!

Oracion: Hesus mi Señor y mi Dios duna mi y haci mi curason pareu na Bo curason y fortifica mi pa mi por cumpli cu Bo Santo Boluntad cu ta beneficia tanto mi famia, mi amigonan y mi mes.

Amen





mr. dr. Rycond R. Santos do Nascimento (AVP):

# Gobierno no kier enfrenta nos desesperacion nacional 18 di april 2021

Ora nos cartera ta bashi y no tin placa na banco nos ta confronta depression. Ora no tin cuminda tin desesperacion. E sufriemento aki ta aumenta ainda mas pa motibo cu no tin ni sikiera placa pa paga transporte. Esun di nos cu ta mayor tin miedo cu mayan no lo tin placa pa manda e muchanan skol. Pa completa asunto gobierno kier haci'e dificil pa bo haya cuido medico. Ta obvio cu MEP-RAIZ no tin un pista con pa crea speransa pa nos sali di e depresion y desesperacion nacional aki. Gobierno no tin un pista con pa crea condicionnan pa mehora nos bida. P'esey MEP-RAIZ ta bira cara pa e hecho cu nos no por biba cu menos cu Afl. 4.000,-. Bo tin awa, coriente, huur, telefon, gasolin y cuminda pa paga. Anto ainda nos no a papia di seguro di auto, plaachi number, diferente impuesto y mas. Kico ta resta pa cumpra paña of pa diberti cu famia? Si bo famia ta consisti di 2 mayor y 2 mucha bo

mester por lo menos Afl. 4.920,- pa hiba un bida digno. CBS ta confirma esaki. Pero e realidad ta cu mayoria di nos famianan ta gana menos cu Afl. 4000 pa luna. Esey kieren cu mayoria ta sufriendo financieramente. Banco Central ta confirma cu poder di compra a baha significantemente. Stress y preocupacion financiero ta domina nos bida y ta cabando cu nos Pais. Si MEP-RAIZ no kier kere esaki, nan por bay lesa kico Banco Central ta bisa di bienestar general di famia cu ta afecta. Solamente un grupito di 20 porciento di nos poblacion ta contento cu su situacion financiero, mientras pa mayoria di nos salario no ta yega fin di luna. Hopi di nos tin demasiado debe y tin problema pa cubri nos gastonan mensual. Pa por cumpra cuminda hopi di nos mester fia placa di famia of nos dunado di trabou y hopi di nos ta buscando un side-job of trabou extra. Ta straño con Gobierno

no kier pa nos papia di e problemanan aki. Minister-president ta prefera monta un circo den parlamento ora ta trata presupuesto pa no duna cuenta di e depresion nacional cu nos ta bibando. Ta obvio cu e no tin solucion y cu e mes no ta mira e salida. Bao di su mando desesperacion ta sigui crece den Pueblo. Su falta di liderazgo ta aumenta nos depresion, ta caba cu nos famianan y nos salud. P'esey e ta bira cara pa conflicto entre pareha, violencia domestico y adiccion den nos comunidad. P'esey ta bira cara pa criminalidad bao nos hobennan, pa e falta di productividad na trabao y pa e cantidad alarmante di problema mental. Si nos keda depende di e mentalidad mediocre di e gobierno aki, Aruba lo



sink. Pa nos sali di e situacion aki nos mester kere cu nos por enfrenta e problemanan aki y nos mester traha duro pa nos cambia nos destino. Nos mester

lidernan cu tin fe cu nos por ta un exito atrobe, lidernan cu lo traha duro pa crea prosperidad den cada hogar.


## Vacatura 'Youth Worker' na YMCA Dakota

Bo ta un persona cu gusta traha cu mucha y hoben? Un persona pro-activo cu kier forma parti di un team dinamico y cu ta dispuesto pa duna un man unda ta necesario? YMCA Dakota ta buscando 'youth workers' pa reforsa e team den e aña escolar binidero, tanto durante nos programa di traimerdia y tambe durante nos camps den periodonan di vakantie.

Si bo kier mas informacion tocante e vacatura, bo por subi riba nos website [www.arubaymca.com/](http://www.arubaymca.com/) joinus of por tuma contacto cu nos via telefon na 582-3072. Bo por manda nos bo CV y carta di motivacion na [i.geermanymca@gmail.com](mailto:i.geermanymca@gmail.com) prome cu dia 3 di juni.

Yuda nos contribui na e impacto positivo riba nos muchanan y hobennan!

## GRUPO RUMANNAN DEN ORACION DI "BEATO DR .J.G. HERNANDEZ" DI DAKOTA cu su Oracion tur diajuebs



Ora: 7.00 pm

Lugar: Cas di Oracion patras di Pius X school Dakota Dia: tur diajuebs nos ta warda tur devoto, grupo di Oracion pa asina nos por reza



# CONMEMORACION DI FAYECIDONAN 4 DI MEI 2022

Mescos cu e añanan anterior riba 4 di mei Reino Hulandes ta conmemora esnan cu a fayece durante segunda guerra mundial. Na Hulanda un dia despues tambe ta celebra e liberacion for di e ocupador Aleman.

Awendia riba 4 di mei tambe ta conmemora miembronan di Reino Hulandes cu a fayece durante conflictonan militar (Indonesia) y tambe durante operacionnan di pas (Libanon, Bosnia y Afghanistan).

E conmemoracionnan ta consisti di un ceremonia cu ta ponemento di krans door di La Reina, familiares, representantenan di gobierno, militarnan, organizacionnan di resistencia y diferente organizacion y grupo den e comunidad.

Na Hulanda desde 6 'or di atardi te bahada di solo banderanan ta wordu hisa halfstok. Tambe kloknan di misa ta bati desde cuarto pa 8 te 8'or y sigi pa 2 minuut di silencio cu un y tur ta respeta.

Esey kier men cu mas tanto posibel actividadnan ta ser para, manera transmision di radio y television, transporte publico y otro cosnan. Tur lusnan publico ta ser sendi pa asina un y tur sa ki ora e dos minutnan ta cuminsa y termina.

Na Aruba e conmemoracion ta consisti di un oracion di e religioso militar, ponemento di krans door di Gobernador, un discurso di Ministro-Presidente, ponemento di krans na number di famia di e fayecidonan y ex-



combatantenan, na number di Parlamento, na number di Gobierno, na number di Representacion di Hulanda na Aruba, na number di personal y militarnan di marinierskazerne Savaneta y na number di e

hubentud di Aruba. E programa ta tuma lugar na e monumento situa na Adriaan Lacle Boulevard, cu lo ser sera pa trafico y lo tuma lugar di 5 'or y mei te 6'or y mey di atardi.

Prensa, familiares di civilnan y militarnan, excombatantenan, hubentud y publico en general ta ser invita pa presencia e conmemoracion importante aki.

**LEY CU TA LIMITA UZO DI PRODUCTONAN DI TABACO**

**PROTEHANDO SALUD PUBLICO**

**2** Ta prohibi pa huma den luganan publico

**DVG** **ARUBA LIBER DI TABACO** **HALA ROSEA LIBREMENTE**

## Paga bo cuenta online ta facil

**Sea Abonnement of Aviso**

**Pago online, facil y lihe**

**Pa hasi pago online pone number y adres na cuenta di banco RBC Sunmax Printing account # 7700000100152447**



# FORTALEZA PA FAMILIA. Scirbi pa Pastor Marcel Balootje. HOBEN NO GAMBLE CU BO BIDA

Den tur cos nos mester keda realistico, e situacion di hopi cas di familia, no ta 100% , tin hopi familia ta pasa den necesidad, hopi hende no tin trabao, of ta biba di un entrada hopi mas abao cu nan a costumbra cune, y esaki ta haci su efecto den tur hogar.

No ta awor cu Covid a dal aden nos situacion a bira dificil, pero prome cu covid ya desempleo por a wordo mira, pero covid a bini manera e cherry riba e bolo y a afecta tur hende humilde riba e isla aki, y rond mundo.

Awor nos spiertamento ta

bay dirigi na tur Mayor: Por favor papia cu bo yiu, no ta importa si e ta bon mucha , of su orea ta duro, pero papia cune, pasobra nos ta asercando e ultimo 3 luna di anja den cual semper tin aumento di maldad, especialmente ladronia, atraco, benta y uso di droga ta aumenta, ta un temporada, cu hopi delincuente, ta sali busca un manera of otro , pa nan por pasa e dianan di Fiesta na grandi, pero ta hinca nan mes y otro persona den problema.

Cu bista riba e situacion nos kier avisa e hobennan

pa no gamble cu bo bida.( 2 Timoteo 3 vers 1-9).

Droga ta asotando nos isla, ilegalidad igual, uso di arma di candela tey keto bay , bebemento y uso di droga tey tur dia, por favor no laga nos sera wowo, haci manera no ta asina, pero laga nos tur uni y cuminsa haci oracion di awor, pasobra oracion por preveni , hopi dolor den cas di familia. E oracion efectivo di un hende hustu por logra hopi. E necesidad na cas ta grandi , pero cu hortamento, atraco, benta di droga e no ta wordo soluciona , pasobra ningun juez ta bay kere

cu bo ta atraca , of bende droga pa sostene bo familia. Nos tin hopi di hende in-documenta riba nos isla, cu tambe ta den necesidad, y como hoben bo tin cu wak bon cu ken bo ta sera Amistad , pasobra ta via di bonan ta hanja informacion di nos isla, con pa drenta y con pa sali, y na unda ta facil pa comete maldad.

Corda bon cu ta abo como local, ta perde bo libertad, scol, trabao, ta abo su portret ta sali den tur media, ta bo familia ta sufri, ta abo ta keda varios anja sin papel di Buena Conducta, y asina bo bida lo cambia, tanto paden y pafu di prison. Pero e palabra di Dios ta sinja, tur esnan cu ta kere y tin temor di Dios, cu si bo pidi Dios lo bo hanja, si bo bati na su porta den oracion, e lo habri un porta pa



bo, Dios nunca lo laga su yui nan bandona.(Mateo 7 vers 7 -12)

Hoben awor mas cu nunca, scucha di bo mayor, y no gamble cu bo bida. (1 Timoteo 4 vers 12).

Sinceramente  
Pastor Marcel Balootje.

Pesei boso tambe tin tristesa awor; ma lo mi mira boso atrobe, y boso curason lo regosihá, y ni un hende lo no kita boso goso for di boso

Juan 16:22

Cu dolor na nos curason, nos ta participa fayecimento inespera di nos ser stima:




**Sr. Mirto F. Croes**

\*20-12-1960 - †14-04-2022

Acto di despedida lo wordo anuncia despues

## Gradicimento y Invitacion

Pa medio di esaki familia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



**Robert Croes**  
"Roy"

Boso muestra di atencion ta di hopi aprecio y un gran sosten pa nos. Un danki na un y tur cu a manda carichi, krans, whatsapp, email y a hasi yamada nan telefonico.

Na mes momento nos ta invita familia, bisiña-, amigo- y conocirnan pa compaña nos na 1 Santo Sacrificio di Misa na misa Cristo Rey na Brazil; diamars 19 di april 2022 pa 6.30 pm.

Boso presencia ta altamente aprecia.



“Laga tur locual ta bunita briya, laga tur locual ta dolor los. Laga mi humor alegre bo, mi zjeito motiva bo y mi bida recorda bo cu hende mester biba contento.”


- Palabranan diario di Juan.

Cu inmenso tristeza den nos curason, pero conforme cu boluntad di Dios, nos ta anuncia fayecimento di:

## Juan G. Bremono

Cariñosamente yama “Juancho”

\*12 juli 1939 - †13 april 2022



Na number di:

Su Casa:

† Theresita Bremono – Kelly

Yiunan:

† Felichi Bremono y esposa Olga Bremono

Franklin Bremono y señora † Mandy Vrolijk

Lesbia Bremono – Becker y esposo Maiky Becker

Sonny Bremono y pareha Susy Zievinger

Ex-suegra:

Roshaline Schwengle

Nieto- y nietanan:

Gustavo Bremono na Alemania; Edsel Becker na Hulanda; Marilis Becker;

Mentessy Bremono; Ian Bremono; Ikeson Bremono

Bisanieto:

Austin Gumbs

Rumannan:

Alberto “Beto” Bremono y esposa † Rica Bremono

Francisco “Fanfa” Bremono y esposa † Marcia Bremono

Atanasio “Chonai” Bremono y esposa Margarita Bremono

Nicasio “Nicky” Bremono y esposa Ana Bremono

Josefa “Ina” Bremono – Croes y esposo Marcelo Croes

Primo mescos cu Ruman:

Leo “Le” Bremono

Sobrino y sobrinanan:

Aura Bremono – Valdes; Maritsa Bremono; Evelyn Bremono – Penja; Maureen

Bremono; Roberto Croes; Eduardo Bremono; Omar Croes; Shomaira Bremono

– Odor.

Swanan:

† Buchi Kelly y esposa Andrea y famia, † Jando Kelly, † Nai Kelly, Candi

Kelly y esposa Bertha y famia, Chinto Kelly, † Nicky Kelly, † Maiky Kelly.

Demas famia:

Bremono, Kelly, Croes, de Mey, Hoevertsz, Laclé, Feliciano, Boekhoudt

Primo y primanan, comer y compernan, bon bisiñanan, amigo y cono-

cirnan.

Personal di Cas Crystelle cu a cuid’e cu hopi amor y a dun’e un trato excelente, danki p’e bon cuido.

Nos kier a pidi disculpa si den nos tristeza nos por a lubida di menciona algun famia.

Ta invita tur amigo, bisiña y conocirnan pa asisti na e acto di condolencia y entierro diaranson 20 april for di 9or te cu 11or mainta na Aurora Funeral Home. Y despues nos lo ta saliendo pa Santana Catolico na Paradera.

Despues di entierro no ta ricibi bishita di condolencia na cas.

## Gradicimento y Invitacion

Na number di Buchi y yiu nan kier gradici tur persona nan cu a compana nos na ora di enfermedad, intiero y durante e tempo dificil cu e fayecimento di nos mama/wela/bisawela stima;



## Damasa M. Croes-Werleman (Mamai)

\*12-12-1939 - †8-04-2022

Un danki special ta bai na:

Staff di Dyalise - Staff di LiteLife

Specialmente Dr Amarantha Dirks (Dr di cas)

Maya Romero

Margaret pa e bunita cancion

Marianella y Minchi pa e bunita palabra nan

Aurora Funeral Home pa nan servicio

Na mesun momento nos kier invita henter famia,

bisiña, amigo y conocirnan

Pa compana nos na e 2 Santo Sacrificio di Misa na

Imaculada Concepcion Santa Cruz;

Diadomingo 17 April 2022

Orario: 6:30 pm

Diaranson 20 April 2022

Orario: 7:00 pm



## Solo di pueblo pagina social

Ba hasi aña? Bo kier publica un felicitashon den corant. **FREE**

Manda nos un email cu informashon y maximo 6 potret na

solodipueblo@gmail.com

of Yama **585-9500**






8		6			3		9	
	4			1			6	8
2			8	7				5
1		8			5		2	
	3		1				5	
7		5		3		9		
	2	1			7		4	
6				2		8		
	8	7	6		4			3

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

## Crossword puzzles



### Across

- 2. CHICKS
- 4. EGGS
- 5. CANDY
- 6. GOD
- 10. HAPPY EASTER
- 14. RABBIT
- 17. BASKET
- 18. BONNET

### Down

- 1. CHOCOLATE
- 3. EASTER
- 7. DYE
- 19. SALVATION
- 21. APRIL
- 22. SUNDAY
- 23. JELLYBEANS
- 24. BUNNY

### Across

- 8. RESURRECTION
- 9. COTTONTAIL
- 11. HUNT
- 12. ANGEL
- 13. RISEN
- 15. JESUS
- 16. PRAYER
- 20. LILY

